



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00273 pillugu ulloq 7. september 2007-imi aalajangiinera pillugu Naalakkersuisunut ilisimatitsineq.
(Naalakkersuisut ulloq 29. august 2007-imi aalajangiinerat)

Innarluutilinnut tunngasuni ilassutitut aningaasaliissuteqarnissamik qinnuteqaat

Naalakkersuisut innersuussutigaa,

- Kontomi pingaarnermi 30.13.41-mi - Innarluutillit angerlarsimaffiinut kontomi - aningaasaliissutit 4.300.000 kr.-nik annikillineqassasut
- Kontomi pingaarnermi 30.01.03-mi - Innarluutilinnik suliaqarfimmi pikkorissarnerit ilinniaqqinnerillu kontoanni - aningaasaliissutit 1.000.000 kr.-nik annikillineqassasut,
- Kontomi pingaarnermi 30.14.29-mi - Pitsaaliuineramik suliaqarnermut kontomi - aningaasaliissutit 100.000 kr.-nik annikillineqassasut.
- Kontomi pingaarnermi 30.10.45-mi - Meeqqanut inuusuttunullu immikkut suliniutinut kontomi - aningaasaliissutit 0,2 mio. kr.-nik annikillineqassasut,
- Kontomi pingaarnermi 30.13.03-mi - Kalaallit Nunaanni Danmarkimilu innarluutilinnik isumaginninnermut kiisalu misileraanermik kommunitunut tunniussinermut kontomi - aningaasaliissutit 9.600.000-nik ilaneqassasut.

Aningaasaqarnermut Ataatsimiititaliap oqaaseqaatai

Annertuumik innarluutilittut nalunaarsorneqartut annertuumik amerleriarsimanerat qinnuteqaammi matumani takuneqarsinnaavoq. Aammattaaq annertuumik innarluutilinnut aningaasartuutit aalajangersimasut matussuserneqarnissaat kommunit annertunerusumik qinnuteqaatigisalersimavaat. Tamatuma saniatigut Danmarkimi kommuninik iluarsaaqqinnerup nassatarisaanik angerlarsimaffiit kalaallinik innarluutilinnik inissiiviusimasut akigititaat ilaatigut qaffaateqarsimapput. Kiisalu innarluutilinnut ikiorsiissutinik tunniussinissaq pillugu Ilaqutariinnermut Pisorta qarfiup aalajangiineri amerlasuut Isumaginninnermi Naammagittaalliuteqartarfimmit allanngortinneqarsimapput.

Taakku 2007-mi katillugit 9,6 mio. kr.-inik aningaasaliissuteqarnissamik pisariaqartitsinermik nassataqassasut Naalakkersuisut missingiipput. Taakkunaannga 5,6 mio. kr.-it Ilaqutariinnermut Naalakkersuisoqarfiup nuussinikkut nammineq aningaasalersorsinnaavai. Aningaasaliiffigisassatut pisariaqartitat sinneri, tassa 4 mio. kr.-it aningaasalersuutissaannut Naalakkersuisut innersuussuteqarsinnaangillat. Taamaattumillu landskarsip sillimmataannik tigusinissaq siunnersuutigineqarpoq, taamaaliornikkullu Landskarsip 2007-imi amigartoorutissaatut missingiunneqartut missingersuutinut sanilliullugit 4 mio.-inik amerleriassallutik. Qinnuteqaat naapertorlugu tamatuma kingunerisaanik landskarsip 2007-imi amigartoorutissai **394,1** mio. kr.-iusussatut naatsorsuutigineqarput.

Aningaasaliissutissatut pisariaqartitat ilaannik Naalackersuisoqarfiup nammineq aningaasaleeqataasinnaanera ataatsimiititaliamit pitsaasutut soorunami isigineqarpoq. Kontomilli pingaarnernit 30.14.29-imit, Pitsaaliuinnermut tunngasumit, aningaasanik nuussinissaq siunnersuutigineqartoq ataatsimiititaliap maluginiarpaa. Naluneqanngitsutulli konto pingaarneq taanneqartoq innarluutilinnut isumaginninnermi atuinerussutinut aningaasalersuutitut 2006-imi aamma atorneqarpoq. (Aningaasaqarnermut Ataatsimiititaliap suliaa 06-192) Immikkoortumi pineqartumi pisariaqartitat matussuserneqarsimanninnerat ersarimmat immikkoortumut tamatumunnga aningaasaliissutigineqartut aningaasanut inatsimmi tunngavigineqartutut suli atorneqarsimanninnerat tunngaviusumik isigalugu ataatsimiititaliap isumakulunnartippaa. (1) Taamaattumillu kontomi pingaarnermi aningaasaliissutinik appaernerup kingunerisassaasa itisilerutaasumik nassuiaatigineqarnissaat ataatsimiititaliamit qinnutigineqassaaq.

Tamatuma saniatigut kontomit pingaarnernit 30.01.03-imit, Isumaginninneq pillugu pikkorissartitseqqinnernut ilinniartitseqqinnernullu tunngasumit, aningaasanik nuussinissaq siunnersuutigineqartoq ataatsimiititaliap maluginiarpaa. Aningaasaqarnermut Ataatsimiititaliap suliaani siuliani taaneqartumi kontomit pingaarnernit tamatuminnga 2006-imi aningaasanik aamma nuussisoqarpoq. Innarluutilinnik isumaginninnermi konto pingaarneq taanna sillimmatitut ersinngikkaluamik atorneqaleriartortoq ataatsimiititaliap isumaqarpoq. Tamanna soorunami naapertuutinnigilaq, minnerunngitsumik isumaginninnermut tunngasuni ilinniakkatigut qaffasaanissamik pisariaqartitsineq taama annertutigitillugu. Tamanna minnerunngitsumik atuuppoq kommunini, tamannalu Inatsisartut Ombudsmandiata ukiumoortumik nalunaarutaani kingullermi ilaatigut erseqqissitinneqarpoq. (2) Tamanna tunngavigalugu pikkorissaanernut ilinniartitsinernullu aningaasanut inatsimmi pilersaarutigineqartunut sanilliullugu aningaasaliissutinik nuussinerup kingunerisassai pillugit paasissutissat annertunerusut ataatsimiititaliamit kissaatigineqarput.

Kiisalu kontomi pingaarnermi 30.13.41-mi, Innarluutilinnut angerlarsimaffinnut tunngasumi, aningaasaliissutit 2007-imi 4,3 mio. kr.-inik ikilineqarnissaat siunnersuutigineqartoq ataatsimiititaliap maluginiarpaa. Ataatsimiititaliamulli paasissutissiissutigineqarpoq siumoortumik kalerreeqqaarani innarluutillit illoqarfigisaminnut, angerlartitsinissamut atortulersuutinik pilersitsisimanningsunut maanna angerlartinneqartalersut. Tamanna ilaatigut innarluutillinnik ataasiakkaanik paaqutarinninnermut sanngiillisaataallunilu ilaatigut kommunit aningaasartuuteqarnerannik kinguneqarsinnaavoq, taakkumi sivikitsuinnarmik piffissalernerqarlutik paaqutarinninnermi atortulersuutinik atugassiisariaqarmata. (3) Suliami tamatumani Naalackersuisut naliliinerannik tigusaqarnissani ataatsimiititaliap kissaatigaa, ataatsimiititaliamimmi soorunami akuersarneqarsinnaanngimmat kontomit pingaarnernit aningaasanit nuussineq pisortat ataatsimoortumik karsiisa ataatsimut isigalugu aningaasartuuteqarnerulernissaannik nuussineq taanna kinguneqassappat.

Kiisalu tusilartut Sisimiuni angerlarsimaffiannik matusineq atuarfimmi sullitassanik amigaateqarnermik pissuteqartoq qinnuteqaammi allassimavoq. (4) Tassunga atatillugu innersuussisarnernut ataatsimiititaliap (visitationsudvalget) atuarfimmut innersuussaqarsimagaluarnersoq paasissutissiissutigineqassasoq ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangiinera

Apeqqutitut siuliani allassimasunut Naalakkersuisut akissuteqarnissaat siunertaralugu Naalakkersuisut inassuteqaataannut isummernissani Aningaasaqarnermut Ataatsimiititaliap **kinguartippaa**. Naalakkersuisut akissuteqaataata kalaallisut danskisullu aammalu qaraasiakkut uunga piaartumik nassiunneqarnissaa qinnutigineqarpoq: nch@gh.gl

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua

Nuutinnera: Inatsisartut Ilaqutariinnermut Ataatsimiititaliaat